


Nunat Aqqinik Aalajangiisartut
sisamannngorneq januaarip 19-anni 2012-mi
Oqaasileriffimmi ataatsimiinnerat

Peqataasut.: Carl Christian Olsen, Stephen Heilmann, Abia Abelsen, Tukummeq Qaavigaq aamma Lotte Holm.

Allatsi: Lisathe Møller Kruse.

Oqaluuserineqartut makkuupput:

1. Tikilluaqqusineq
2. Imaqarniliap akuerisassatut saqqummiunna (decembarip 22-anni 2011-mi ataatsimiinnermit imaqarniliaq)
3. Aatsitassanut Ikummatissanullu Pisortaqarfimmiit saaffiginnissut
 - i. Høringsbrev til Stednavnenævnet vedr. ansøgning om efterforskningstilladelse 2012-26.phf (Tasiilap eqqaaniippoq)
 - ii. Høringsbrev til Gr. Stednavnenævn vedr. ansøgning om område 2012-27.pdf (Tunup avannaani Hudson Landimiippoq)
 - iii. Høring-Stednavn.pdf (Napasup timaaniippoq)
 - iv. Høring, Stednavn, 2012-29.pdf (Nuussuup Qeqertarsuullu ilaa)
2. Nunat aqqi tunumiutut allaqqasut pillugit Oqaasiliortut aalajangiinerannik saqqummiussineq
3. Tunumi nunat aqqi nalunaarsukkat suliarinerisa aallartinneri
4. Taasariaqartut allat



1. pillugu –

Ataatsimiinnerup aallartinnerani Nunat Aqqinik Aalajangiisartunut siulittaasoq CCO tikilluaqqusivoq.

2. pillugu –

Decembarip 22-anni 2011-mi ataatsimiinnermit imaqarniliaq akuerineqarpoq.

3. pillugu –

Aatsitassanut Ikummatissanullu Pisorta qarfimmitt saaffiginnissutit Nunat Aqqinik Aalajangiisartunit eqqartorneqareerlutik ima akuerisaasumik taaguuteqartussatut aalajangerneqarput:


- | | | |
|-------------|---|------------------|
| <i>i.</i> | Høringsbrev til Stednavnenævnet vedr. ansøgning om efterforskningstilladelse 2012-26.pdf (<i>Tasiilap eqqaaniippoq</i>) | Qusiit |
| <i>ii.</i> | Høringsbrev til Gr. Stednavnenævn vedr. ansøgning om område 2012-27.pdf (<i>Tunup avannaani Hudson Landimiippoq</i>) | Aaqqii |
| <i>iii.</i> | Høring-Stednavn.pdf (<i>Napasup timaaniippoq</i>) | Ininnguit |
| <i>iv.</i> | Høring, Stednavn, 2012-29.pdf (<i>Nuussuup Qeqertarsuullu ilaa</i>) | Nuusaq |

Aatsitassanut Ikummatissanullu Pisorta qarfimmitt erseqqissaatigineqassaaq saaffiginnissutaasa akissutaat nunat atiunatik aatsitassarsiornerup nalaani taaguutissaannaaneri. Taamaattumik nunat aqqi aalajangiivigalugit akuerineqartut (autoriseret stednavne) aatsitassarsiornerullu nalaani taaguutigineqartut assigiinngitsuuneri erseqqissaatigalugit allaffigineqassapput.

Ilanngullugu apeqqutigineqassaaq sooq Nunat Aqqinik Aalajangiisartut aatsitassarsiornerup nalaani taaguutissatut aalajangigaat avammut paasissutissiilluni saqqummiussinermi atorneqarneq ajorneri.

4. pillugu -

Oqaasiliortunut ilaasorta q Katti Frederiksen nunat aqqi tunumiutut allaqqasut qanoq allariaaseqarluni allanneqartassanersut pillugit suliaminnik saqqummiussivoq. Kattip



erseqqissaatigivaa Oqaasiliortut suli tunngaviusumik aalajangiisimangitsut, suliarlu naammassiniarlugu ingerlanneqaqqissasoq.

Oqaasiliortut tunumi nunat aqqisa qanoq allanneqartarnissaat pillugit paasissutissiinerat kingulleq aajuna ataaniippoq. Imaqarniliami ima allaqqasoqarpoq:

”Tamanit isumaqatigiissutaavoq Tunumiutut allannermi systemimik pisariaqartitsisoqartoq, pingaartumik aamma ulluinnarni oqaatsinik atuisut kitaamiutut allattaatsimik sungiussisimasut paatsuugassaannngitsumik malitassaqaarnissaat eqqarsaatigalugit, taakkununnga assersuutissaalluarluni kitaamiusut ‘tissinarpoq’, allattaatsimi inatsit malillugu Tunumiutut ima allanneqarsimasup ‘titsiarpoq’-p ima oqaatigineqarnissaa ditsiarpoq.
Tunumiutut nipi alla allattaatsimiinngitsoq aamma assersuutigineqarpoq, tassalu Tunumiutut uangamik oqartarnerannit nipi ‘uarnga’ = /uɑŋɑ/.*

CCO isumaqarpoq naaperiaasoqarsinnaasoq, taammaattumillu aalajangiunneqarpoq LH-p nunat aqqinik suliaqarnermini suliai casetut atorlugit systemi qanoq ittoq atorneqassasoq nalilersuinikkut paasiniarneqassasoq, taakkualu tunngavigalugit suna isumaqatigiissutigineqarsinnaanersoq anguniarneqassasoq Oqaasiliortumullu saqqummiunneqarluni.”


Nunat Aqqinik Aalajangiisartut suliaq taanna pillugu oqallipput, taamaattoq erseqqissarpaat namminneq suliassarinnnginnamikku Oqaasiliortut aalajangiinissaat utaqqissallugu.

5. pillugu -

Tunumi nunat aqqi nalunaarsukkat suliaralugit aallartinnissaralui kinguartinneqarpoq. Kinguartitsinermut peqquataavoq Oqaasiliortut suliassaq suli naammassisimangimmassuk.

Carl Chr. Olsen

Lisathe M. Kruse



Siulittaasoq

Allatsi